

2024թ.
առաջին կիսամյակի
հաշվետվություն

Յունիս 30, 2024



ԲՈՎԱՆՊԱԿՈՒԹՅՈՒՆ

ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ	02	ԿԱՌԱՎԱՐՄԱՆ ՀԱՃՎԵՏՎՈՒԹՅՈՒՆ	23
Ամերիաբանկ՝ համառոտ ակնարկ	03	Ուժեղ թիմ և կորպորատիվ մշակույթ	24
2024թ. առաջին կիսամյակի հիմնական ցուցանիշները և ձեռքբերումները	04	Կորպորատիվ կառավարման կառուցվածքը	25
2024թ. առաջին կիսամյակ՝ հակիրճ անդրադարձ	05	Տնօրենների խորհուրդ	26
		Տնօրենների խորհրդին կից կոմիտեներ	27
	06	Տնօրինություն	28
ՌԱԶՄԱՎԱՐԱԿԱՆ ՀԱՃՎԵՏՎՈՒԹՅՈՒՆ	07		
Ամերիաբանկի բիզնես-մոդելը և ռազմավարությունը	12	ՖԻՆԱՆՍԱԿԱՆ ՀԱՃՎԵՏՎՈՒԹՅՈՒՆՆԵՐ	29
Արտաքին գործոններ. ՀՀ տնտեսությունը	13		
Արտաքին գործոններ. ՀՀ մակրոտնտեսական ցուցանիշները	14	ՀԱՃՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ	34
Ամերիաբանկի հիմնական ռազմավարական ձեռքբերումները 2024թ. առաջին կիսամյակի դրությամբ			
ՌԻՍԿԵՐԻ ԿԱՌԱՎԱՐՈՒՄ			
Հիմնական ռիսկեր	18		
2024թ. առաջին կիսամյակի ամփոփ նկարագիր	22		



Ընդհանուր տեղեկություններ



Ամերիաբանկ՝ համառոտ ակնարկ

Ամերիաբանկը Հայաստանի առաջատար ֆինանսական հաստատությունն է և ՀՀ տնտեսական ոլորտի առավել նշանակալի դերակատարներից մեկը: Հանդիսանալով դինամիկ զարգացող ունիվերսալ բանկ՝ Ամերիաբանկն իր սպասարկման բազմաֆունկցիոնալ հարթակի միջոցով մատուցում է նորարարական բանկային ծառայությունների ընդարձակ փաթեթ՝ թվային պրոդուկտների հստակ շեշտադրմամբ: Բանկն առաջնորդվում է հաճախորդամետ քաղաքականությամբ՝ ապահովելով սպասարկման բարձր որակ և ժամանակակից բանկային փորձառություն զարգացող թվային միջավայրում:

Ամերիաբանկը որդեգրել է բիզնեսի պատասխանատու վարման քաղաքականությունը՝ նպաստելով Հայաստանի անցմանը դեպի կայուն ապագա:



2024թ. առաջին կիսամյակի հիմնական ցուցանիշները և ձեռքբերումները

Ընդհանուր ակնարկ

- Կորպորատիվ, ներդրումային և մանրածախ բանկային ծառայություններ մատուցող առաջատար ունիվերսալ բանկը Հայաստանում
- Խոշորագույն վարկատուն ՀՀ շուկայում
- Շարունակական գնահատանք և որակի ճանաչում հեղինակավոր միջազգային հաստատությունների կողմից
- Հնարավոր ամենաբարձր վարկանիշ՝ սուվերեն վարկունակության սահմանափակումների շրջանակներում



26
մասնաճյուղ



1,919
աշխատակից




Բանկոմատների
ամենամեծ
ցանցը
մայրաքաղաքում



vPOS
տերմինալների
խոշորագույն
ցանցը երկրում



POS տերմինալների
ամենամեծ ցանցերից
մեկը երկրում



Վարկանիշ

S&P

Երկարաժամկետ	BB-
Կարճաժամկետ	B
Հեռանկարը	Կայուն
SACP	BB-

Moody's

Բանկային ավանդներ	Ba3/NP
BCA	ba3
CRA	Ba2(cr)/NP(cr)
Հեռանկարը	Կայուն

Բաժնետիրական կառուցվածք



2024թ. առաջին կիսամյակ՝ հակիրճ անդրադարձ

2024թ. 2-րդ եռամսյակի արդյունքները

1,068 մլրդ.
ՀՀ դրամի վարկեր*

1,095 մլրդ.
ՀՀ դրամի ավանդներ**

1,531 մլրդ.
ՀՀ դրամի ակտիվներ

224 մլրդ.
ՀՀ դրամի սեփական
կապիտալ

1,308 մլրդ.
ՀՀ դրամի
պարտավորություններ

27.3 մլրդ.
ՀՀ դրամի
շահույթ

- Երեք մրցանակ Euromoney ամսագրի կողմից՝

2024թ. Լավագույն բանկը Հայաստանում

2024թ. Լավագույն թվային բանկը Հայաստանում

2024թ. Լավագույն բանկը Հայաստանում ՓՄՁ-ների համար



- Զուտ շահույթի բարձր ցուցանիշ՝ 27.3 մլրդ. ՀՀ դրամի, որը 26.0%-ով բարձր է նախորդ տարվա առաջին կիսամյակի ցուցանիշից:
- Բեռնաթափման ցուցանիշը և կանխիկ գործառնությունների գծով բեռնաթափման ցուցանիշը կազմել են համապատասխանաբար 98% և 85%, իսկ ինտերնետ-բանկինգի օգտագործման ցուցանիշը՝ 75%, ինչը 3 տոկոսային կետով բարձր է տարեվերջի ցուցանիշից:
- Հաճախորդների հավատարմության գործակիցը կազմել է 78.2%, իսկ հաճախորդների փորձառության գործակիցը*** 9.8:

* Առանց արժեզրկման մասհանումների, բայց ներառյալ առևտրի ֆինանսավորումը

** Ընթացիկ հաշիվներ, ժամկետային ավանդներ և պարտատոմսեր

*** առավելագույն արժեքը 10 է



Ռազմավարական հաշվետվություն



Ամերիաբանկի բիզնես մոդելը և ռազմավարությունը

2024թ.-ի 1-ին կիսամյակի ընթացքում Բանկը վերահաստատեց իր ներուժը՝ որպես հաճախորդների վստահությունը վայելող ժամանակակից, կայուն, իրացվելի, դինամիկ աճող և մրցունակ ֆինանսական ինստիտուտ՝ հետագա աճի, զարգացման և մրցունակության էական հնարավորություններով: Հիմնական շեշտադրումը ուղղվելով մատչելի բանկային ծառայությունների հասանելիությանն ու սպասարկման որակին՝ Բանկն արդեն իսկ դիրքավորվել է որպես նորարարությամբ և սպասարկման չափանիշներով առաջատար:

Բանկն անընդհատ և հետևողականորեն կատարելագործում է աշխատանքի կազմակերպման մոդելը, կորպորատիվ կառավարման համակարգը, հաճախորդների սպասարկման տեխնոլոգիաները, անընդհատ ընդլայնում է բանկային ծառայությունների փաթեթը, ձևավորում հմուտ և մասնագիտացված աշխատակազմ: Բանկի համար կարևոր է ապահովել կայուն աճի հնարավորություն և ավելացնել շուկայի մասնաբաժինը: Բանկն աճին զուգընթաց կարևորում է նաև երկարաժամկետ հատվածում արդյունավետության աճը և պատասխանատու բիզնես մոդելին հետևելը: Այս առումով թվային բանկինգը կարևորվում է ոչ միայն հաճախորդների բավարարվածությունը բարձրացնելու նպատակով, այլև ծախսատարության և ռեսուրսատարության կրճատման տեսանկյունից:



Ամերիաբանկի բիզնես մոդելը և ռազմավարությունը (շարունակություն)

Հաճախորդներին որակյալ բանկային և ներդրումային, այդ թվում նորարար թվային լուծումներով պայմանավորված ծառայություններ տրամադրելու նպատակով Բանկը սահմանել է հետևյալ առաքելությունը՝ ԲԱՐԵԼԱՎԵԼ ԿՅԱՆՔԻ ՈՐԱԿԸ՝

- տրամադրելով հաճախորդներին ՄԻՋԱԶԳԱՅԻՆ ՈՐԱԿԻ ֆինանսական ծառայություններ և գործարար լուծումներ,
- իրականացնելով հասարակության ԲԱՐՕՐՈՒԹՅԱՆ համար նշանակալի բիզնես և սոցիալական ծրագրեր,
- ձևավորելով յուրահատուկ կորպորատիվ մշակույթ և միջազգային ընկերության զարգացման սեփական մոդել՝ ՄԻԱՎՈՐԵԼՈՎ ՀԱՋՈՂԱԿ ՄԱՐԴԿԱՆՑ,
- շարունակաբար ԱՎԵԼԱՑՆԵԼՈՎ մեր ԲԱԺՆԵՏԻՐԱԿԱՆ ԱՐԺԵԲԸ:

Բանկի տեսլականն է՝ **լինել ֆինանսական և տեխնոլոգիական վստահելի միջավայր՝ առաջարկելով կյանքի որակը բարելավելու ամբողջական լուծումներ:**

Բանկն իր գործունեության ընթացքում առաջնորդվում է հետևյալ երեք հիմնական արժեքներով՝ հաճախորդների բավարարվածության բարձր մակարդակ, աշխատանքի ու սպասարկման բարձր որակ, արհեստավարժություն և թիմային ոգի: Հիմնվելով վերոնշյալ արժեքների վրա՝ Բանկը կշարունակի ձևավորել ՀՀ բանկային համակարգում բարձր արդյունավետությամբ աչքի ընկնող կառավարման համակարգ և ներդնել կառավարման մշակույթի նոր արժեքներ, որոնք ոչ միայն կնպաստեն Բանկի հետագա գործունեության բարելավմանը, այլև նաև օրինակելի մոդել կհանդիսանան այլ տնտեսվարողների համար:

Բանկը բիզնեսի զարգացման էական ուղղություններ է համարում.

- թվային ծառայությունների հետագա բարելավումը և բազմազանեցումը
- բանկային ծառայություններից հեռավար օգտվող հաճախորդների մասնաբաժնի ավելացումը



Ամերիաբանկի բիզնես մոդելը և ռազմավարությունը (շարունակություն)

- գործառնական բանկային ծառայությունների կշռի ավելացումը
- սպասարկման բոլոր ուղիներով հաճախորդների բավարարվածության ավելացումը
- մանրածախ բիզնեսի զարգացումը՝ նպատակային ֆինանսավորման միջոցով
- ՓՄՁ ուղղության զարգացում
- անկանխիկ շրջանառության և գործիքների աճը

Իր գործունեության զարգացման ներկայիս փուլում Բանկն էլ ավելի է արժևորում տեղեկատվության և (կամ) վերլուծությունների հիման վրա որոշումների կայացման կարևորությունը: Այս առումով Բանկն իրականացնում է համապատասխան տեղեկատվական բազաների կառուցման և դրանց հիման վրա կիրառական վերլուծությունների ավելի ինտենսիվ իրականացման նախագծեր: Բացի տեղեկատվության կարևորումից, Բանկի ղեկավարության համար առանձնացվել են ռազմավարական ուշադրությանն արժանի **հիմնական անկյունաքարեր**.

- Լինել **շուկայի առաջատարը**. ապահովել մրցակիցների համեմատ առաջանցիկ օրգանական աճի տեմպեր և միևնույն ժամանակ շարունակել դիտարկել ոչ օրգանական աճի հնարավորությունները: Շուկայի առաջատարությունն ապահովելու նպատակով Բանկն ակնկալում է առավել մեծ ուշադրություն դարձնել կապիտալի արդյունավետ օգտագործմանը և շարունակել խթանել գործառնական բանկային ծառայությունները: Ելնելով ներկայիս դեմոգրաֆիական իրավիճակից և հաշվի առնելով բանկային ծառայությունների ներկայիս ծածկույթը՝ Բանկը պլանավորում է էականորեն ավելացնել սոր հաճախորդների քանակը, էապես բարելավել գործող հաճախորդներին խաչաձև վաճառքները:
- Բարձրացնել **արդյունավետությունը**. ապահովել կապիտալի շահութաբերության պատշաճ, ինչպես նաև ծախսերի և եկամուտների հարաբերակցության գործակցի առավել ցածր մակարդակ: Արդյունավետության բարձրացման ապահովման նպատակով Բանկն իրականացնում է մի շարք նախագծեր, որոնք ուղղված են ներքին գործընթացների և գործառնականների ավտոմատացմանը, կառուցվածքային և բիզնես մոդելի օպտիմալացմանը:



Ամերիաբանկի բիզնես մոդելը և ռազմավարությունը (շարունակություն)

- Ընդլայնել **թվայնացման** ծավալները. դառնալ հեռահար բանկային ծառայություններ մատուցող առաջատար բանկ՝ հնարավորինս ավտոմատացնելով գործընթացները: Բանկն արդեն իսկ իրականացնում է, ինչպես նաև ապագայում նախատեսում է իրականացնել մի շարք նախագծեր, որոնք մեծապես կնպաստեն թվային կապուղիների ընդլայնմանը, մի շարք պրոդուկտներ կթվայնացվեն: Այդ ամենը կնպաստի թվայնացման ծավալների ավելացմանը, ինչն էլ իր հերթին կհանգեցնի հաճախորդների փորձառության բարելավմանը:
- Ընդլայնել **հաճախորդների փորձառությունը**. լինել հաճախորդակենտրոն Բանկի գործունեության բոլոր ուղղություններում, ապահովել հաճախորդների լոյալության և հաճախորդների փորձառության ինդեքսի ամենաբարձր ցուցանիշները: Բանկը մշտապես ներդրումներ է կատարում Բանկի անձնակազմի վերապատրաստումների ուղղությամբ, ինչի արդյունքում կատարելագործվում են անձնակազմի հաղորդակցման հմտությունները և աճում է սպասարկման որակը: Այս բոլոր գործողությունները կնպաստեն հաճախորդների բավարարվածության բարձրացմանը:

Բանկի միջնաժամկետ քանակական և որակական նպատակները բխում են առաջատար ունիվերսալ բանկ դառնալու ռազմավարական զարգացման ուղղությունից, Բանկի առաքելությունից, ուժեղ և թույլ կողմերից:

Իր զարգացման ներկա փուլում Բանկը նաև առաջնահերթություն է տալիս **տվյալների վրա հիմնված որոշումների կայացմանը**: Այդ նպատակով Բանկը սկսել է ավելի ճկուն և համապարփակ դարձնել իր տվյալների բազաները՝ այսպիսով որոշումների կայացման հիմքում ավելի մեծ տվյալներ և ընդգրկուն վերլուծություններ դնելու նպատակով:



Ամերիաբանկի բիզնես մոդելը և ռազմավարությունը (շարունակություն)

Բանկի գործունեության վրա էապես ազդում են արտաքին միջավայրի զարգացումները: Գործելով ինչպես ներքին, այնպես էլ արտաքին շուկաներում իր հաճախորդների կարիքները բավարարելու համար՝ բանկն իր վրա կրում է ինչպես ներքին, այնպես էլ միջազգային շուկաներում տեղի ունեցող իրադարձությունների ազդեցությունը:

Վերջին տարիների ընթացքում գրանցված բացասական ցնցումներից հետո համաշխարհային տնտեսությունը որոշակի կայունություն է դրսևորում: Չնայած աշխարհաքաղաքական պահպանվող լարվածությանը և բարձր տոկոսադրույքներին, համաշխարհային առևտրի ու ներդրումների աճ է նկատվում: Գնաճի չափավոր կայունացման պայմաններում կենտրոնական բանկերը դեռևս պահպանում են զգուշություն՝ տոկոսադրույքների նվազման ուղղությամբ:

Բանկի գործունեության վրա էական ազդեցություն ունեցող հիմնական արտաքին գործոններն են.

- Տարածաշրջանում պահպանվող անորոշությունն ու աշխարհաքաղաքական ռիսկերը, հիմնական առևտրային գործընկերների անկայուն տնտեսական իրավիճակը հանդիսանում են հիմնական մարտահրավերը:
- Համաշխարհային գնաճի հետ կապված ռիսկերը նույնպես դեռևս պահպանվում են: Չնայած պարենի և էներգակիրների գները վերջին մեկ տարում զգալի նվազել են, և համաշխարհային տնտեսության վրա ինֆլյացիոն ճնշումները որոշակի թուլացել են, այդուհանդերձ կանխատեսվում է, որ զարգացած տնտեսություններում գնաճը կվերադառնա թիրախային մակարդակին միայն 2025 թվականի ավարտին:
- Միջազգային ֆինանսական շուկաներում տոկոսադրույքների բարձր մակարդակը: Չնայած գնաճի տեմպերի որոշակի մեղմացմանը, կենտրոնական բանկերը զգուշավոր են քաղաքականության ազատականացման տեսանկյունից՝ կենտրոնանալով գների կայունության վերականգնման և ֆինանսական վերահսկողության ու ռիսկերի մոնիթորինգի ուժեղացման վրա:
- Համաշխարհային ֆինանսական պայմանները որոշակի մեղմվել են (հատկապես զարգացող տնտեսություններում, որտեղ կենտրոնական բանկերն ավելի արագ են արձագանքում գների նվազմանը), այդուհանդերձ, իրական տոկոսադրույքները տնտեսական գործունեության վրա իրենց ազդեցությունը կթողնեն ժամանակի ընթացքում:

Չնայած արտաքին տնտեսական մարտահրավերներին՝ Հայաստանի տնտեսության բարձր ակտիվությունը պահպանվում է, ինչը դրական նախադրյալներ է ստեղծում Բանկի հետագա օրգանական աճի համար: 2024թ.-ի հունվար-հունիսին տնտեսական ակտիվության ցուցանիշը կազմել է 10.4%: Միջազգային կազմակերպությունների վերջին կանխատեսումների համաձայն՝ 2024թ. ՀՀ ՀՆԱ աճը կկազմի 5.5-6%: ՀՀ ԿԲ-ը 2024 թվականի համար տնտեսական աճը կանխատեսում է 6.1-6.8% միջակայքում: Տնտեսությունը շարունակում է մնալ գնանկումային միջավայրում. 2024թ. առաջին կիսամյակում 12-ամսյա գնաճը կազմել է -0.3%:




Արտաքին գործունեությունը

Ընդհանուր տեղեկություններ


ՀՆԱ՝ 4.9 մլրդ (2024թ. Առաջին եռամսյակ, ԱՄՆ դոլարի ընթացիկ փոխարժեքով)
Մեկ շնչին բաժին ընկնող ՀՆԱ-ն՝ 8.2 հազար (2023, ԱՄՆ դոլարի ընթացիկ փոխարժեքով)
Moody's-ի վարկանիշ՝ Ba3 (կայուն)
Fitch-ի վարկանիշ՝ BB- (կայուն)
S&P վարկանիշ՝ BB- (կայուն)

Դիվերսիֆիկացված տնտեսություն

ՀՆԱ-ի կառուցվածքն ըստ արտադրության ճյուղերի*




ՀՆԱ-ի բարձր աճ և ցածր գնաճ
2013-2024



Ամենակայուն արժույթը տարածաշրջանում

(ԱՄՆ դոլարի նկատմամբ տարածաշրջանի այլ արժույթների փոխարժեքների դինամիկա)**




*Վերջին 4 եռամսյակը

**Փոխարժեքի օրական տատանումները՝ որպես հիմք ընդունելով 2014թ. հունվար ամիսը
Աղբյուր՝ Bloomberg



Արտաքին գործոններ. ՀՀ մակրոտնտեսական ցուցանիշներ


AMD/USD



AMD/EUR




AMD/RUB




Հիմնական ցուցանիշները

- Տնտեսական ակտիվության ցուցանիշը 2024թ. 2-րդ եռամսյակում աճել է 10.4%-ով, ինչը ցածր է 1-ին եռամսյակում գրանցված 14.3%-ի ցուցանիշից: Աճը մեծամասամբ պայմանավորված էր առևտրի և արդյունաբերության ճյուղերով՝ համապատասխանաբար 9.8 և 3.9 տոկոսային կետով: Ծառայությունների և շինարարության ոլորտները նույնպես դրական ներդրում են ունեցել՝ 1.0 և 0.8 տոկոսային կետով:
- Արտաքին առևտրի ծավալը նախորդ տարվա նույն ժամանակահատվածի համեմատ աճել է ավելի քան 2 անգամ: Հունվար-հունիս ամիսներին արտահանման և ներմուծման ծավալների աճը որոշակիորեն դանդաղել է՝ կազմելով համապատասխանաբար 134.4% և 87%, ինչը պայմանավորված է հիմնական ապրանքների ապրանքաշրջանառության տեմպերի որոշակի դանդաղմամբ: Դրամական փոխանցումների ընդհանուր ներհոսքը շարունակել է նվազել՝ հիմնականում 2023թ. սահմանված բացառիկ բարձր բազայի շնորհիվ: Այնուամենայնիվ, դրանք մնում են նախորդ տարիներին գրանցած ցուցանիշներից զգալիորեն ավելի բարձր:
- ՀՀ դրամի փոխարժեքը մնացել է համեմատաբար անփոփոխ՝ 2024թ. 2-րդ եռամսյակում գրանցելով 0.5% աննշան արժեզրկում (միջին օրական)՝ ԱՄՆ դոլարի նկատմամբ տարեկան կտրվածքով:
- Միջազգային պահուստները կազմել են 3.3 մլրդ ԱՄՆ դոլար՝ նախորդ տարվա նույն ժամանակահատվածի համեմատ նվազելով 14.4%-ով, հիմնականում արտաքին պարտքի մարումների շնորհիվ: Արձանագրվել է միջազգային պահուստների զգալի կուտակում՝ տարեկան 13% աճով:


Ընթացիկ վճարային հաշվեկշիռ*




Արտահանում և ներմուծում




Միջազգային պահուստներ




Մասնավոր փոխանցումներ**



ՍԳԻ (12 ամիս)



Տնտեսական ակտիվության ինդեքս (12 ամիս)




* Թարմացված տվյալները դեռևս առկա չեն:
** Փոխանցումները ներառում են ֆիզիկական անձանց՝ բանկերի միջոցով կատարվող ընդհանուր առևտրային և մասնավոր փոխանցումները:



Ամերիաբանկի հիմնական ռազմավարական ձեռքբերումները 2024թ. առաջին կիսամյակի դրությամբ

Հաճախորդակենտրոն թվային էկոհամակարգեր



46% տարեկան
Ամսական ակտիվ
օգտատերերի թիվը (ըստ
համակարգ մուտքերի)



75% տարեկան աճ
Գործարքներ մոբայլ և
ինտերնետ-բանկինգ
համակարգով




55%
Թվային ուղիներով վաճառքների
մասնաբաժին




98%
Բեռնաթափման ցուցանիշ*

Ինտերնետ-բանկինգի օգտագործման գործակից



Կանխիկ գործառնությունների գծով բեռնաթափման ցուցանիշ**



* Հեռավար և թվային ուղիներով կատարված անկանխիկ գործարքների մասնաբաժինը բանկի կողմից կատարված անկանխիկ գործարքների ընդհանուր թվում
** Հեռավար և թվային ուղիներով կատարված գործարքների մասնաբաժինը բանկի կողմից կատարված գործարքների ընդհանուր թվում



Ամերիաբանկի հիմնական ռազմավարական ձեռքբերումները 2024թ. առաջին կիսամյակի դրությամբ

(շարունակություն)

	Ընթացիկ կարգավիճակ	Միջնաժամկետ նպատակներ
Հաճախորդների գերազանց սպասարկում եւ բարձր բավարարվածություն	78.2% Հաճախորդների հավատարմության գործակից 9.8 Հաճախորդների փորձառության գործակից	$\geq 70\%$ ≥ 9.3
Առցանց շուկայական հարթակներ/Էկոհամակարգեր	Ներդրված Էկոհամակարգեր - Ավտոշուկա - Անշարժ գույքի շուկա - Էլեկտրոնային առևտուր - ՓՄՁ Էկոհամակարգեր	Էկոհամակարգերի շուկայի ծածկույթի գործակից $\geq 50\%$
Աշխատակիցների բավարարվածություն եւ բարեկեցություն	84% Աշխատակիցների բավարարվածության գործակից	$\geq 80\%$



Ամերիաբանկի հիմնական ռազմավարական ձեռքբերումները 2024թ. առաջին կիսամյակի դրությամբ (շարունակություն)

Կայունության
ապահովման
ռազմավարություն

Երկարաժամկետ
պարտավորություն
ստեղծելու կայուն միջավայր և
աջակցելու մեր
հաճախորդներին չեզոք
աժխաճնային տնտեսությանն
անցնելու գործում:




Կանաչ
պարտատոմսերի
թողարկում

- Կանաչ պարտատոմսերի
առաջին թողարկողը
Հայաստանում
- Կանաչ պարտատոմսերի
թողարկում ընդհանուր **62***
մլն ԱՄՆ դոլարի


Բիզնեսի
պատասխանատու
վարում եւ ներդրում
հասարակության
բարօրության գործում

- ՇԱՍ ռիսկերի կառավարում
լավագույն փորձին
համապատասխան
- 2023թ. ԿՍՊ ծրագրերին
հատկացվել է 270 մլն ՀՀ
դրամ:



Տեղաբաշխում

47%
Արևային
կայաններ



24%
ՓՄՁ արևային
ծրագրեր

Ազդեցություն**

83,172 տոննա
ածխաթթու գազի
արտանետումներից խուսափում

201,716,237 կՎտ-ժ
արտադրված մաքուր էներգիայի
ընդհանուր տարեկան ծավալ

գրեր



Երեխաների
առողջություն ու
բարեկեցություն



Կրթական ծրագրեր



Ենթակառուցվածքի և
համայնքի զարգացման
ծրագրեր



*42 մլն եվրո, 3 մլրդ ՀՀ դրամ, 8 մլն ԱՄՆ դոլար
**Կանաչ պարտատոմսերի ազդեցության մասին 2023թ.
հաշվետվություն



Ռիսկերի կառավարում



Հիմնական ռիսկեր

Մակրոտնտեսական ռիսկեր

2024 թվականի առաջին կիսամյակում Հայաստանում պահպանվել է բարձր տնտեսական ակտիվություն, որին հիմնականում նպաստել են այնպիսի ճյուղերի զգալի աճը, ինչպիսիք են շինարարությունը, առևտուրը և արդյունաբերությունը: 2024 թվականի առաջին կիսամյակի ընթացքում 12-ամսյա գնաճը շարունակել է պահպանվել նպատակային ցուցանիշից ցածր մակարդակում մայիսին կազմելով 0.3%: 12-ամսյա բնականոն գնաճը պահպանվել է բացասական տիրույթում ապրիլին կազմելով -0.5%: 2024 թվականի առաջին կիսամյակում համաշխարհային և Հայաստանի հիմնական գործընկեր երկրներում տնտեսական աճի դանդաղման ռիսկերը պահպանվել են: Համաշխարհային գնաճը շարունակում է դանդաղել, սակայն գործընկեր երկրներում կոշտ գներով բնութագրվող ապրանքների և ծառայությունների գները շարունակում են մնալ հարաբերականորեն բարձր: Միաժամանակ, գործընկեր երկրներում աշխատանքի շուկայի գերտաքացած պայմանները շարունակում են նպաստել բարձր պահանջարկի պահպանմանը (ՀՀ մակրոտնտեսական ցուցանիշների մասին առավել մանրամասն ծանոթանալու համար տե՛ս «Ռազմավարական հաշվետվություն» բաժինը):

Ամերիաբանկը 2024թ.-ի առաջին կիսամյակում գործում էր սահմանված ռիսկի փոփոխական շրջանակներում. ամենահավանական սցենարներով հաշվարկած սթրես թեստերը և կանխատեսումները ցույց են տալիս, որ 2024 թվականի ընթացքում ռիսկերի մակարդակը չի գերազանցի նախանշված սահմանաչափերը՝ տնտեսական իրավիճակին համահունչ սահմանված ֆինանսական թիրախային ցուցանիշների ապահովման դեպքում:

Վարկային ռիսկ

Ամերիաբանկի չաշխատող վարկերի ցուցանիշը (ըստ ՖՀՄՍ մեթոդաբանության) նախորդ տարվա նույն ժամանակաշրջանի համեմատ աճել է 0.18 %-ով և կազմել է 2.07%, որը չի գերազանցում Բանկի կողմից սահմանված ընդունելի մակարդակը: Կորպորատիվ վարկերի պորտֆելում այդ ցուցանիշը կազմել է 2.98%, իսկ մանրածախ վարկերի պորտֆելում՝ 0.87%: Կորպորատիվ վարկերի պորտֆելի գծով ցուցանիշը աճել է, իսկ մանրածախ պորտֆելի գծով տեղի է ունեցել ցուցանիշի բարելավում:

Վարկավորման ընթացքում Բանկի կողմից կիրառվող ռիսկի գսպման գործիքները, ինչպիսիք են ոլորտային և պրոդուկտային դիվերսիֆիկացիան, արտարժույթային վարկերի ռիսկի հեջավորումը, վճարունակության ցուցանիշների նվազագույն արժեքները, թույլ տվեցին ապահովել պորտֆելի որակի կայունությունը:



Հիմնական ռիսկեր (շարունակություն)

Շուկայական ռիսկեր

2024թ.-ի առաջին կիսամյակի արդյունքներով շուկայական ռիսկերից առաջացած վնասները չեն գերազանցել տվյալ գծով սահմանված ռիսկի ախորժակը: Տարեսկզբից շուկայական բաց դիրքերի վերազնահատումների հանրագումարը եղել է դրական:

Բացասական վերազնահատումների միակ աղբյուրը եղել է արտարժութային ռիսկը:

Արտարժութային բաց դիրքի բացասական վերազնահատումների շոշափելի մասը առաջացել է ԱՄՆ դոլարի նկատմամբ ունեցած բաց դիրքի վերազնահատումից, սակայն բացասական վերազնահատումը չի գերազանցել հատկացված ընթացիկ ռիսկի ախորժակի մեկ երկրորդը: 2024թ.-ի առաջին եռամսյակի դրությամբ բոլոր արժույթներով բաց արտարժութային դիրքերի հանրագումարը բացարձակ մեծությամբ միջինում չեն գերազանցել Բանկի կապիտալի 5%-ը: Արտարժութային ռիսկի ազդեցությունը Բանկի ընդհանուր կապիտալի համարժեքության վրա միջին ռիսկային սցենարի դեպքում չի գերազանցում 0.5 տոկոսային կետը:

Վերազնահատվող արժեթղթերի պորտֆելի տարեսկզբից կուտակային վերազնահատումը եղել է դրական՝ մեծամասամբ պայմանավորված ՀՀ դրամային և արտասահմանյան պետական արժեթղթերի մինչև մարում եկամտաբերությունների նվազմամբ: Արժեթղթերի պորտֆելի ռիսկը 2024թ. առաջին կիսամյակում կառավարվել է սահմանափակ դյուրացիայի (~2.65 տարի) և սահմանափակ կենտրոնացումների պայմաններում: Բանկի արժեթղթերի պորտֆելը բաղկացած է առավելագույնը ՀՀ և արտասահմանյան բարձր վարկանիշ ունեցող պետական պարտատոմսերից (շուրջ 95%), ինչն էապես նվազեցնում է պորտֆելում վարկային ռիսկը:

2024թ.-ի առաջին կիսամյակում էականորեն նվազել է փոփոխվող տոկոսադրույքով ակտիվների և պարտավորությունների ճեղքվածքը: Փոփոխվող տոկոսադրույքի տատանումներով պայմանավորված զուտ վերազնահատումից առաջացած վնասները եղել են ոչ էական: Փոփոխվող տոկոսադրույքի ռիսկի կառավարումը իրականացվում է ակտիվների և պարտավորությունների ճեղքվածքի նորմատիվային սահմանաչափերի, ինչպես նաև հեջավորող ածանցյալ գործիքների միջոցով:



Հիմնական ռիսկեր (շարունակություն)

Իրացվելիության ռիսկ

Իրացվելիության բոլոր գործակիցներն սպասվող ամենահավանական սթրեսային սցենարների դեպքում համապատասխանում են ՀՀ ԿԲ-ի կողմից սահմանված պահանջներին: 2024թ.-ի առաջին կիսամյակում իրացվելիության ռիսկը ոչ էական էր և զսպվում էր ընդհանուր ռիսկի պարամետրերի համակարգի շրջանակներում: Հաշվետու ժամանակաշրջանի դրությամբ Բանկի ավելցուկային իրացվելիության մակարդակը կազմել է շուրջ 70 մլրդ դրամ, ինչն ապահովում է ներքին և արտաքին նորմատիվների մակարդակների պահպանում սթրեսային սցենարների դեպքում, որոնք սակայն ունեն փոքր հավանականություն՝ ներկայիս մակրոտնտեսական միջավայրի և սպասումների պայմաններում:

Գործառնական ռիսկեր

Ներքին գործընթացների կարգավորման և վերահսկման շնորհիվ բանկը գործառնական ռիսկը պահում է ցածր մակարդակի վրա: 2024թ. 1-ին կիսամյակի կրած ընդհանուր գործառնական վնասը չի գերազանցել Բանկում գործառնական վնասի համար սահմանված կորուստների ընդունելի չափի 0.5%-ը:

Համաշխարհային տնտեսական միջավայրի անբարենպաստ զարգացումների, հևարավոր սցենարների վերլուծության, ռիսկերի գնահատման և կառավարման ուղղությամբ շարունակական գործողություններ են իրականացվում և ներդրվում են ռիսկի նվազեցման տարբեր միջոցառումներ և գործիքակազմ, այդ թվում՝ արտակարգ իրավիճակների դեպքում կառավարման մեխանիզմներ և գործարար գործընթացների անընդհատության և վերականգնման պլաններ:

Բանկի գործընթացներին, պրոդուկտներին և համակարգերին բնորոշ գործառնական ռիսկը գտնվում է ընդունելի մակարդակի վրա:

Երկարաժամկետ հորիզոնում էական գործառնական ռիսկի աղբյուր է շարունակում մնալ կիբերհանցագործությունների ավելացումը ամբողջ աշխարհում, որը թիրախավորում է առաջին հերթին հենց ֆինանսական ոլորտը: Համացանցի և բջջային հավելվածների միջոցով իրականացվող առևտրի ծավալի աճին զուգահեռ ողջ աշխարհով մեկ աճում է նաև քարտային զեղծարարությունների, ֆիշինգային հարձակումների, արհեստական բանականության կիրառմամբ բարդ հարձակումների մեխանիզմների մշակման և իրագործման, ամպային ծառայությունների անվտանգության թերությունների արդյունքում զգայուն տեղեկատվության արտահոսքի, ինչպես նաև սոցիալական ինժինեռայի բարդ մեխանիզմների կիրառմամբ տեղեկատվության չարտոնված հասանելիության ստացման դեպքերի թիվը:



Հիմնական ռիսկեր (շարունակություն)

Բանկային բիզնեսի թվային վերափոխման միտումներով պայմանավորված հնարավոր է նաև գործառնական ռիսկերի և տեղեկատվական անվտանգության ռիսկերի հետ կապված ռեպքերի քանակի և հնարավոր ազդեցության աճ: Այս ռիսկերի արդյունավետ կառավարման նպատակով ուշադրության կենտրոնում են շարունակում մնալ տեղեկատվական տեխնոլոգիաները, SS անվտանգության ապահովման և դրանց հետ առնչվող ռիսկերի վերահսկման մեխանիզմները, տեղեկատվական անվտանգության կառավարման համակարգերը, ընթացիկ պրոյեկտները և նոր ներդրված համակարգերը:

Շրջակա միջավայրի և սոցիալական ռիսկեր

Ամերիաբանկ ՓԲԸ-ը կարևորելով շրջակա միջավայրի և սոցիալական ռիսկերի կառավարումը, մշակել և ներդրել է շրջակա միջավայրի և սոցիալական ռիսկերի կառավարման համակարգ: Համակարգը հիմնված է շրջակա միջավայրի և սոցիալական օրենսդրական պահանջների համապատասխանության և միջազգային լավագույն փորձի վրա: Բանկի կողմից ֆինանսավորվող ծրագրերն իրենց գնահատման մեջ ներառում են նաև շրջակա միջավայրի և սոցիալական ռիսկերի գնահատում և կառավարում, ինչի արդյունքում Բանկի վարկային պորտֆելի շրջակա միջավայրի և սոցիալական ռիսկերը գտնվում են կառավարելի մակարդակում: Բանկը նաև մշակել է ուղեցույցներ հաճախորդների համար ՇՄՍ համապատասխանության աջակցության նպատակով: Բանկի կողմից չեն ֆինանսավորվում այն ծրագրերը, որոնցում առկա են շրջակա միջավայրի կամ սոցիալական էական ռիսկեր, ինչպես նաև օրենսդրությամբ և միջազգային ստանդարտներով սահմանված արգելված գործունեություն: Բանկը շարունակում է նաև Կանաչ վարկերի ֆինանսավորումը, մասնավորապես վերականգնվող էներգիայի ոլորտում:

Այլ ռիսկեր

Բանկի ֆինանսական վիճակի վրա հաշվետու ժամանակաշրջանում էական ազդեցություն չեն գործել համբավի, իրավական և բիզնես մոդելի (մարտավարության) ռիսկերը: Շնորհիվ Բանկում ներդրված գործընթացների՝ համակարգերի նշված ռիսկերը կառավարվել են պատշաճ մակարդակով, և բացասական սպասումներ ընթացիկ տարվա ընթացքում չեն ձևավորվել:



2024թ. առաջին կիսամյակի ամփոփ նկարագիր

2024թ.-ի առաջին կիսամյակում բանկը գործել է սահմանված ռազմավարական ռիսկի ախորժակի շրջանակներում: Կրած կորուստները չեն գերազանցել կապիտալի նախատեսված մասնաբաժինը: Բանկի կապիտալի համարժեքության ցուցանիշը գտնվել է ընդունելի մակարդակում ողջ ժամանակահատվածի համար: 2024թ.-ի առաջին կիսամյակի ընթացքում վնասների հիմնական աղբյուր են հանդիսացել շուկայական և վարկային ռիսկերը. այլ աղբյուրներից կուտակված վնասները չեն ունեցել որևէ զգալի ազդեցություն Բանկի ֆինանսական վիճակի վրա:



Կառավարման հաշվետվություն



Ուժեղ թիմ և կորպորատիվ մշակույթ

1

Բացառիկ կորպորատիվ մշակույթ, հորիզոնական կառավարում և միայն արժանիքների վրա հիմնված վարձատրության համակարգ

2

ՀՀ շուկայում ֆինանսական ծառայություններ մատուցող ամենապրոֆեսիոնալ և տաղանդավոր թիմերից մեկը

3

Խորհրդին կից կոմիտեներ` լավագույն միջազգային չափանիշներին համապատասխան

4

Փորձառու և բազմակողմանի միջազգային փորձ ունեցող Խորհրդի անդամներ

5

Լավագույն փորձի վրա հիմնված կորպորատիվ կառավարման համակարգ և սկզբունքներ



Կորպորատիվ կառավարման կառուցվածքը

Կորպորատիվ կառավարումն Ամերիաբանկում միտված է հավասարակշռելու Բանկի բաժնետերերի, Տնօրենների Խորհրդի, գործադիր ղեկավարության և այլ շահագրգիռ անձանց շահերը, սահմանելու կորպորատիվ հարցերով որոշումներ կայացնելու կանոններն ու ընթացակարգերը, ինչպես նաև ներդնելու կորպորատիվ կառավարման այնպիսի համակարգ, որը թույլ կտա ստեղծել վստահության, թափանցիկության և հաշվետվողականության միջավայր ու կնպաստի անհրաժեշտ երկարաժամկետ ներդրումների, ֆինանսական կայունության և աճի խթանմանը:

Ամերիաբանկը շարունակաբար կատարելագործում է իր կորպորատիվ կառավարման համակարգը՝ համապատասխանեցնելով այն միջազգային լավագույն փորձին և կիրառելի օրենսդրական և կանոնակարգային պահանջներին:

Բանկի կորպորատիվ կառավարման համակարգը ներառում է հետևյալ մարմինները. Բաժնետերերի ընդհանուր ժողով (Բանկի կառավարման բարձրագույն մարմինը), Տնօրենների խորհուրդ, Տնօրենների խորհրդին կից կոմիտեներ, Տնօրինություն և Գլխավոր տնօրեն:



Տնօրենների խորհուրդ



**Անդրեյ
Մկրտչյան**

**Տնօրենների
խորհրդի
նախագահ**

Ունի
խորհրդատվության
շուրջ 30 տարվա փորձ
ներդրումային և
կառավարման
ուլորտներում,
Հայաստանում
ներդրումաբանկային
ուլորտի հիմնադիրներից
է, մի շարք մասնավոր և
պետական
կազմակերպությունների
խորհրդի անդամ:



**Լինդա Մ.
Ֆորբս**

**Տնօրենների
խորհրդի անդամ**

Ավելի քան 40 տարվա
փորձ առևտրային և
ներդրումային
բանկային
գործառնությունների
ուլորտում, որից ավելի
քան 20 տարին՝
Վերակառուցման և
գարգացման
եվրոպական բանկում
(ՎԶԵԲ): Նախքան ՎԶԵԲ
տեղափոխվելը 13 տարի
աշխատել է British Linen
Bank-ում՝ Bank of
Scotland-ի՝
ներդրումային
բանկային
գործունեության մեջ
մասնագիտացող
դուստր ընկերությունում:



**Ֆիլիպ
Լինն**

**Տնօրենների
խորհրդի անդամ**

Ավելի քան 35 տարվա
փորձ ֆինանսների
բնագավառում, որից 20
տարուց ավել՝ Lehman
Brothers ընկերությունում
ղեկավար
պաշտոններում:
Զբաղեցրել է Nomura-ի
գլխավոր գործադիր
տնօրենի պաշտոնը
Մերձավոր Արևելքի,
Ասիա-Խաղաղ
օվկիանոս
տարածաշրջանի և
Աֆրիկայի գծով, իսկ
այժմ՝ Stem Capital
Partners ընկերության
(ուղղակի
ներդրումներով
գրադվող անկախ
ընկերություն) հիմնադիր
գործընկերն է:



**Ռոբերտ Ֆոն
Ռեկովսկի**

**Տնօրենների
խորհրդի անդամ**

Շուրջ 35 տարվա փորձ
համաշխարհային
մակարդակով
ակտիվների
կառավարման
ուլորտում,
մասնագիտանում է
գարգացող շուկաների
ներդրումային
ֆոնդերում, եղել է
«Ֆիդելիթի
Ինվեսթմենթս»
ընկերության՝
գարգացող շուկաների
ռազմավարության
բաժնի
փոխնախագահը և
ընկերության
պորտֆելի կառավարիչ:



**Ռիչարդ Փ.
Օգոն**

**Տնօրենների
խորհրդի անկախ
անդամ**

Ավելի քան 35 տարի
ֆինանսական
ուլորտում, զբաղեցրել
է ղեկավար
պաշտոններ
ներդրումային
բանկերում,
ակտիվների
կառավարման և
խորհրդատվական
ընկերություններում
(UBS Warburg, Uralsib և
այլն), ներկայումս՝ SS
ուլորտում
գործունեություն
ծավալող TrData
ընկերության
գործադիր տնօրենն է:



**Կախա
Կիկնավելիձե**

**Տնօրենների
խորհրդի անկախ
անդամ**

Շուրջ 30 տարվա փորձ
առևտրային և
ներդրումային
բանկերում, երկար
ժամանակ եղել է Bank
of Georgia Group-ի՝
Վրաստանի
առաջատար
ֆինանսական
հաստատության
տնօրենների խորհրդի
անկախ անդամ,
հետագայում՝
գործադիր տնօրեն:
Զբաղեցրել է բարձր
ղեկավար պաշտոններ
UBS-ում, Rioni Capital-ում
և այլ ֆինանսական
հաստատություններում:



**Տիգրան
Դավթյան**

**Տնօրենների
խորհրդի անկախ
անդամ**

Ավելի քան 30 տարվա
հարուստ
աշխատանքային փորձ
ֆինանսական
ուլորտում, ղեկավար
պաշտոններ է
զբաղեցրել մի շարք
առևտրային բանկերում
և ավելի քան 8 տարի
աշխատել է որպես
գլխավոր գործադիր
տնօրեն: Ղեկավար
պաշտոններ է
զբաղեցրել Նաև ՀՀ
Կենտրոնական
բանկում և
Եվրասիական
տնտեսական
հանձնաժողովում:



Տնօրենների խորհրդին կից կոմիտեներ

	Աուդիտի կոմիտե	Կորպորատիվ կառավարման և ղեկավար անձնակազմի նշանակման կոմիտե	Վարձատրության կոմիտե	Ռիսկերի կառավարման կոմիտե
Լինդսի Ֆորբս	ղեկավար			անդամ
Ռոբերտ Ֆոն Ռեկովսկի		անդամ	ղեկավար	
Ռիչարդ Օգոն	անդամ			ղեկավար
Կախաբեր Կիկնավելիձե		ղեկավար	անդամ	
Տիգրան Դավթյան	անդամ			անդամ
Ֆիլիպ Լինչ		անդամ	անդամ	

Անդրեյ Մկրտչյան



Տնօրինություն



Արտակ Հանեսյան

**Տնօրինության
նախագահ-գլխավոր
տնօրեն**

Ակնառու բանկիր՝
Հայաստանի
առևտրային
բանկերում ավելի
քան 30 տարվա
փորձով:
Ամերիաբանկի
գլխավոր տնօրենն է
2008թ-ից, մինչ այդ,
ևս զբաղեցնում էր
ղեկավար
պաշտոններ, այդ
թվում՝ գլխավոր
տնօրենի տեղակալի
և գլխավոր տնօրենի
պաշտոններ ՀՀ
բանկային
համակարգում:



Հովհաննես Թորոյան

**Ֆինանսական
տնօրեն**

Շուրջ 20 տարվա
աշխատանքային փորձ
ՀՀ բանկային
համակարգում, որից 10
տարին՝
Ամերիաբանկում:
Պատասխանատու է
եղել ռազմավարության,
հետազոտությունների,
ակտիվների և
պարտավորությունների
կառավարման
ուղղությունների
համար:
2022 թ. 3-րդ
եռամսյակում
նշանակվել է
Ամերիաբանկի
ֆինանսական գծով
տնօրեն:



Գագիկ Սահակյան

**Կորպորատիվ և
ներդրումային բանկինգի
գծով տնօրեն**


Շուրջ 10 տարվա փորձ
կորպորատիվ
բանկային
գործառնությունների և
ավելի քան 15 տարվա
փորձ՝ կառավարման
խորհրդատվական
ծառայությունների
ուղղությամբ:
Մասնագիտական
ուղին սկսել է «Ամերիա»
ՓԲԸ-ում, որը մի քանի
տարի ղեկավարելուց
հետո ստանձնել է
կորպորատիվ
բանկային
գործունեության գծով
տնօրենի պաշտոնն
Ամերիաբանկում
(2010թ-ից):



Արման Բարսեղյան

**Մանրածախ
բանկինգի
տնօրեն**

Ավելի քան 25
տարվա փորձ
մանրածախ
բանկային
գործունեության
ուղղությամբ ՀՀ
առևտրային
բանկերում, որից
15 տարին «HSBC
Բանկ
Հայաստան»-ում:
Ամերիաբանկի
մանրածախ
բանկինգի
տնօրենի
պաշտոնն
ստանձնել է 2012թ.:



Արմինե Հազարյան

**Տաղանդների
կառավարման և
ծառայությունների
գծով տնօրեն**

Ավելի քան 20 տարի
ՀՀ բանկային
համակարգում,
որից 15 տարին
մարդկային
ռեսուրսների
կառավարման
(ՄՌԿ) ուղղությամբ:
2008թ-ից
զբաղեցնում էր
Ամերիաբանկի ՄՌԿ
բաժնի ղեկավարի
պաշտոնը, իսկ
տաղանդների
կառավարման և
ծառայությունների
գծով տնօրենի
պաշտոնն
ստանձնել է 2019թ-
ին:



Անդրանիկ Բարսեղյան

**Ռիսկերի
կառավարման
գծով տնօրեն**

Շուրջ 30 տարվա փորձ
ֆինանսական
հաստատություններում
ռիսկերի
կառավարման և
տեխնոլոգիաների
ավտոմատացման
ուղղությամբ:
Ամերիաբանկի
Ռիսկերի
կառավարման
կենտրոնի ղեկավարի
պաշտոնն ստանձնել է
2009թ-ին:



Գոհար Խաչատրյան

**Գլխավոր
հաշվապահ**

Շուրջ 35 տարվա
փորձ ՀՀ
բանկային
համակարգում,
որից 10 տարի
Կենտրոնական
բանկում և ավելի
քան 20 տարի
որպես գլխավոր
հաշվապահ
Ամերիաբանկում:



Ֆինանսական հաշվետվություններ



ՀՈԴՎԱԾ	2024թ. 2-րդ եռ.	2023
Դրամական միջոցներ և դրանց համարժեքներ	133,068,366	133,374,395
Շահույթի կամ վնասի միջոցով իրական արժեքով չափվող ֆինանսական գործիքներ	13,704,821	14,403,924
Վաճառքի համար մատչելի ֆինանսական ակտիվներ	23,451,166	24,500,236
Միջոցների կարճաժամկետ տեղաբաշխում դրամական շուկայում	111,261,081	105,493,201
Հաճախորդներին տրված վարկեր և փոխառություններ	1,067,661,292	984,746,562
Մինչև մարումը պահվող ներդրումներ	137,887,761	99,308,586
Հիմնական միջոցներ և ոչ նյութական ակտիվներ	27,804,076	27,087,094
Այլ ակտիվներ	16,518,030	20,667,219
Ընդամենն ակտիվներ	1,531,356,593	1,409,581,217
Շահույթի կամ վնասի միջոցով իրական արժեքով չափվող ֆինանսական պարտավորություններ	-	-
Պարտավորություններ բանկերի նկատմամբ	119,971,896	71,773,023
Հաճախորդների ընթացիկ հաշիվներ և ավանդներ	945,590,981	907,749,557
Այլ փոխառու միջոցներ	27,591,186	34,473,780
Ստորադաս փոխառություններ	27,887,147	29,732,721
Այլ պարտավորություններ	186,706,722	170,064,801
Ընդամենը պարտավորություններ	1,307,747,932	1,213,793,882
Բաժնետիր. կապիտալ և էմիս. եկամուտ	54,741,241	54,741,241
Վերագնահատման պահուստ	(388,759)	(911,573)
Զբաղիսված շահույթ	169,256,179	141,957,667
Կապիտալ	223,608,661	195,787,335



Եկամուտ և ծախսեր

Հազար ՀՀ դրամ

ՀՈԴՎԱԾ	2024թ. 2-րդ եռ.	2023թ. 2-րդ եռ.
Զուտ տոկոսային եկամուտ	44,027,734	34,135,393
Զուտ եկամուտ միջնորդավճարներից և այլ նմանատիպ եկամուտ	7,404,615	6,393,962
Զուտ շահույթ/(վնաս) առևտրային գործառնություններից	11,460,628	11,536,492
Այլ գործառնական եկամուտ/(ծախս)	(2,358,148)	(3,061,652)
Գործառնական եկամուտ	60,534,829	49,004,195
Կորուստներ արժեզրկումից	(650,006)	(2,846,806)
Անձնակազմի ծախսեր	(21,070,218)	(14,690,085)
Ընդհանուր վարչ. ծախսեր	(5,407,449)	(4,850,030)
Շահույթ/(վնաս) նախքան հարկումը	33,407,156	26,617,274
Շահութահարկ	(6,108,644)	(4,944,406)
Զուտ շահույթ/(վնաս)	27,298,512	21,672,868



ՀՀ ԿԲ-ի տնտեսական նորմատիվներ

ՀՈԴՎԱԾ	2022	2023	2024թ. 2-րդ եռ. ՀՀ ԿԲ պահանջ	Խախտում	
Նվազագույն կանոնադրական կապիտալ (հազ. ՀՀ դրամ)	54,414,765	54,466,380	54,466,380	50,000	Չկա
Նվազագույն ընդհանուր կապիտալ (հազ. ՀՀ դրամ)	183,483,587	224,093,877	244,092,166	30,000,000	Չկա
Ն1.2՝ Ընդհանուր կապիտալ/ռիսկով կշռված ակտիվներ	17.40%	16.77%	17.79%	12.00%	Չկա
Ն2.1՝ Բարձր իրացվելի ակտիվներ/ընդհանուր ակտիվներ	30.42%	24.60%	24.20%	15.00%	Չկա
Ն2.1.1՝ Առաջին խմբի արժույթով բարձր իրացվելի ակտիվներ/առաջին խմբի արժույթով ընդհանուր ակտիվներ	30.91%	28.56%	29.32%	4.00%	Չկա
Ն2.2՝ Բարձր իրացվելի ակտիվներ/ցպահանջ պարտավորություններ	75.48%	74.92%	70.22%	60.00%	Չկա
Ն2.2.1՝ Առաջին խմբի արժույթով բարձր իրացվելի ակտիվներ/առաջին խմբի արժույթով ցպահանջ պարտավորություններ	74.41%	75.78%	69.83%	10.00%	Չկա
Ն3.1՝ Մեկ փոխառուի գծով ռիսկի առավելագույն չափ	17.36%	16.62%	16.50%	20.00%	Չկա
Ն3.2՝ Խոշոր փոխառուների գծով ռիսկի առավելագույն չափ	95.47%	101.11%	91.13%	500.00%	Չկա
Ն4.1՝ Բանկի հետ կապված մեկ անձի գծով ռիսկի առավելագույն չափ	1.62%	2.67%	2.01%	5.00%	Չկա
Ն4.2՝ Բանկի հետ կապված բոլոր անձանց գծով ռիսկի առավելագույն չափ	8.25%	10.79%	7.14%	20.00%	Չկա
ՀՀ ԿԲ-ում տեղաբաշխվող պարտադիր պահուստների նվազագույն չափ ՀՀ դրամ	X	X	X	4% 18%	Չկա
Արտարժույթ					
Արժութային դիրքի և բանկի ընդհանուր կապիտալի առավելագույն հարաբերակցությունը	2.58%	3.58%	1.93%	10.00%	Չկա



Ֆինանսական

Հաշվետվություններ և կից
ծանոթագրություններ:

[այստեղ](#)



Հաշվետու թողարկողի պատասխանատու անձանց հայտարարություն







«ԱՄԵՐԻԱԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Գտնվելու վայրը՝ ԴՂ, ք. Երևան, Վ. Սալուսյան 2,
Հեռախոս՝ (+37410) 56 11 11, Ֆաքս՝ (+37410) 56 11 66

ՀԱՇՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Սույնով հաստատում ենք, որ մեր լավագույն տեղեկացվածության համաձայն՝

1. «Ամերիաբանկ» ՓԲԸ /այսուհետ՝ Թողարկող/ 2024թ. առաջին կիսամյակի հաշվետվությունում ներառված տեղեկությունները ճշգրիտ և լիարժեք են և բոլոր էական առումներով համապատասխանում են «Արժևթղթերի և շուկայի մասին» ՀՀ օրենքի և ՀՀ ԿԲ Կանոնակարգ 4/04-ի պահանջներին:
2. Ներկայացված՝ 2024թ. երկրորդ եռամսյակի աուդիտ չանցած ֆինանսական հաշվետվությունները կազմված են ֆինանսական հաշվետվությունների միջազգային ստանդարտների համաձայն և, բոլոր էական առումներով, ճշգրիտ և լիարժեք ձևով արտացոլում են Թողարկողի ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը 2024թ. հունիսի 30-ի դրությամբ, ինչպես նաև Թողարկողի գործունեության արդյունքներն ու դրամական միջոցների հոսքերը հաշվետու ժամանակաշրջանի համար:

Հովհաննես Թորոյան (անուն, ազգանուն)	Գլխավոր տնօրեն-ի ժ/պ (պաշտոն)	 (ստորագրություն)
Հովհաննես Թորոյան (անուն, ազգանուն)	Ֆինանսական տնօրեն (պաշտոն)	 (ստորագրություն)
Աշոտ Հարությունյան (անուն, ազգանուն)	Տնօրինության անդամի ժ/պ (պաշտոն)	 (ստորագրություն)
Արման Բարսեղյան (անուն, ազգանուն)	Մանրածախ բանկինգի տնօրեն (պաշտոն)	 (ստորագրություն)

Ռիմնա խղթայան

(անուն, ազգանուն)

Տնօրինության անդամի ժ/պ

(պաշտոն)



(ստորագրություն)

Երեմ Շահբազյան

(անուն, ազգանուն)

Տնօրինության անդամի ժ/պ

(պաշտոն)



(ստորագրություն)

Գոհար Խաչատրյան

(անուն, ազգանուն)

Տնօրինության անդամ, Գլխավոր հաշվապահ

(պաշտոն)



(ստորագրություն)